

Al-Quran yang Belum Kita Baca



"Oh, ada ayat begini dalam al-Quran?!" Seolah-olahnya kita baru pertama kali membaca ayat itu. Pengalaman rohani ini sungguh mengasyikkan. Orang yang hafal dan faham al-Quran pun ada ketika melalui pengalaman ini. Para sahabat Nabi dahulu pun pernah alami. Menerusi lebih 50 kisah pendek dalam buku ini, penulis ingin berkongsi perasaan ini. Antara yang menarik:

- | | | | |
|-----------------|-----------------|-----------------|-----------------------|
| Kisah 3 | - Nabi Menangis | Kisah 35 | - Semua Masuk Neraka! |
| Kisah 4 | - Cagar Dulu | Kisah 48 | - Roti dan Kacang Dal |
| Kisah 15 | - Pujuk Suami | Kisah 60 | - Menangis |
| Kisah 32 | - Sakit Sebulan | | |



LUQMAN MAKHTAR penulis sepenuh masa kelahiran Bachok, Kelantan dan kini menetap di Rawang, Selangor. Mantan editor Majalah *Solusi* dan *Al-Ustaz* ini sebelum ini menghadirkan trilogi buku *Asam Garam Rumah Tangga Nabi SAW* yang mendapat sambutan hangat. Doakan beliau terus istiqamah menghasilkan buku agama yang bermanfaat untuk umat.

Sem. Malaysia: **RM27.00**
Sabah & Sarawak: **RM29.00**



AL-QURAN YANG BELUM KITA BACA

LUQMAN MAKHTAR





Al-
Qur'ān
yang
Belum
kita Baca





KANDUNGAN

Kata Penulis	ix
Bagaimana Saya Menyusun Buku Ini	x

Bahagian Pertama

1 – Buta	3
2 – Anak-anak	5
3 – Nabi Menangis	7
4 – Cagar Dulu	9
5 – Terlewat	11
6 – 1, 2, 3...	14
7 – 30, 40, 50...	18
8 – 100, 1000, 10 000	20
9 – Tak Jumpa Pun!	22
10 – Botak	24
11 – Gelap	26
12 – Panjang	28
13 – Sabar	30
14 – Pujuk Diri Sabar	32
15 – Pujuk Suami	35
16 – Allah Marah!	38
17 – Tahan Marah	40
18 – Kerana Salam	43
19 – Baiki	45
20 – Sayidina Uthman Jahat?	47





AL-QURAN YANG BELUM KITA BACA

Bahagian Kedua

21 – Tinggal Satu Saja	53
22 – Pencuri	56
23 – Dulu di Tepi Jurang	58
24 – Kata-kata Allah Bukan Begitu	60
25 – Ke Mana Perginya?	62
26 – Aku Bukan Penyair	64
27 – Senyum Sahaja	66
28 – Ali Koka	68
29 – Lagi Panas	70
30 – Pengsan	72
31 – Tidak Boleh Duduk	74
32 – Sakit Sebulan	76
33 – Mati	78
34 – Selamat atau Tidak	80
35 – Semua Masuk Neraka	81
36 – Baca dan Berdoa	83
37 – 20 kali	85
38 – Sampai Pagi	86
39 – Ulang Baca	87
40 – Satu Ayat Sahaja	89

Bahagian Ketiga

41 – Kejut Solat Malam	92
42 – Balas Dendam!	94
43 – Enggan Jumpa	96
44 – Maafkanlah	98
45 – Nasib Orang Melampau	100
46 – Tak Mahu Bercakap	101
47 – Makanan, Asap, Perempuan	107
48 – Roti dan Kacang Dal	109
49 – Tidak Tahu	112
50 – Tidak Takut	114
51 – Tak Nak Pakai	115
52 – Solat Tepi Jalan	117
53 – Tetap Tidak Warak	119





BAHAGIAN SATU





Ada seorang tuan guru yang buta sejak lahir. Walaupun begitu, beliau hafal al-Quran sepenuhnya. Beliau pernah berkata, “Aku tidak rasa sedih pun dilahirkan buta melainkan dua perkara ini sahaja yang aku rasa ralat tidak dapat melihatnya; manusia dan langit!

Hal ini kerana Allah sebut tentang manusia,

لَقَدْ خَلَقْنَا الْإِنْسَانَ فِي أَحْسَنِ تَقْوِيمٍ ﴿٤﴾

Ertinya: ‘Sesungguhnya Kami menciptakan manusia dalam bentuk yang sebaik-baiknya.’ (Surah al-Tin 95: 4)

Adapun tentang langit, Allah menyebutkan,

وَلَقَدْ جَعَلْنَا فِي السَّمَاءِ بُرُوجًا وَزَيَّنَّاهَا لِلنَّظِيرِ ﴿١٦﴾

Ertinya: ‘Sungguh Kami jadikan di langit gugusan-gugusan bintang dan Kami turut hiasi langit itu bagi orang yang melihatnya.’ (Surah al-Hijr 15: 16)





Catatan

1. Saya sangat tersentak ketika pertama kali membaca kisah ini. Sejujurnya, ayat kedua betul-betul saya rasa seperti baru pertama kali membacanya.
2. Kita hanya perasan dan menghargai nikmat yang kita miliki daripada orang yang tidak bernasib baik merasainya. Contoh, anak-anak akan menghargai nikmat ibu bapa jika mereka berkenalan dengan rakan yang berstatus anak yatim piatu.
3. Ada beberapa tempat Allah ulang sebut hal langit yang dihiasi bintang ini. Antaranya dalam surah Fussilat, ayat 12. Allah berfirman,

وَزَيْنَا السَّمَاءَ الدُّنْيَا بِمَصَابِيحَ وَحِفْظًا

Ertinya: “Dan Kami hiasi langit dunia dengan lampu-lampu (bintang) dan sebagai pelindung.” (Surah Fussilat 41: 12)

Menariknya, setiap kali Allah sebutkan fungsi bintang sebagai perhiasan langit, Allah sebut juga fungsi keduanya iaitu sebagai pelindung. Ayuh kita sama-sama terokai maknanya. Mengapakah dikatakan bintang itu juga pelindung, bukan sekadar penghias langit?



Ada 4 surah mula dengan **إِنَّا**; ‘Sesungguhnya Kami’:
al-Fath, Nun, al-Qadr dan al-Kawthar.





Seorang lelaki ingin berhutang dengan jirannya. Jirannya menjawab, “Boleh, tetapi kamu mesti berikan suatu barang sebagai cagaran dahulu.”

Dia berkata, “Apakah kamu tidak percaya kepadaku?”

Jirannya membalas, “Mestilah aku percaya. Namun, Nabi Ibrahim yang percaya kepada Allah juga pernah berkata,

بَلَىٰ وَلَٰكِن لِّيَطْمِئِنَّ قَلْبِي

Ertinya: ‘Ya, tetapi supaya hatiku tenang.’” (*Surah al-Baqarah* 2: 260)

Catatan

1. Ayat ini membawa kita kepada satu kisah Nabi Ibrahim yang mungkin kita tidak perasan sebelum ini. Kisahnya tentang permintaan Nabi Ibrahim untuk melihat bagaimana Allah menghidupkan semula sesuatu yang mati. Lalu Allah menjawab, “Tidakkah kamu percaya?” Lalu Nabi Ibrahim menjawab dengan ucapan di atas. Kemudian Allah memerintahkan Nabi Ibrahim





AL-QURAN YANG BELUM KITA BACA


mendapatkan empat ekor burung. Baca kisah selanjutnya daripada ayat tersebut.

2. Kisah Nabi Ibrahim banyak disebut dalam al-Quran. Kedua terbanyak selepas Nabi Musa. Percayalah, masih banyak yang belum kita terokai.
3. Ada orang yang mudah meminjam tetapi berat membayar semula. Sebaliknya, ada juga orang yang mudah memberi pinjam tetapi berat hendak meminta. Mungkin ini jalan penyelesaian untuk kes sebegini.



*Allah pernah bersumpah dengan
malam yang 10, merujuk kepada
10 malam Zulhijjah.
(Al-Fajr 89: 2)*







Ibu Umar berkata, “Dahulu kami diberikan iman sebelum al-Quran.

“Maka tatkala diturunkan satu surah kepada Muhammad, kamipun mempelajari halal-haramnya, suruhan dan tegahannya dan apa yang harus kami fikir-fikirkan.

“Kini aku menyaksikan ramai yang diberikan al-Quran sebelum iman. Dia membaca kesemua yang terkandung antara surah pembuka hingga surah penutup, tetapi tidak tahu apa yang ada di antara permulaan kitab hingga ke akhirnya.”

Sunan al-Baihaqi





Alkisah seorang raja mengepung sebuah negeri. Lalu raja itu mengirim surat meminta raja negeri yang dikepung itu menyerah kalah sahaja tanpa berperang. Dalam surat itu, dia menulis ayat berikut sebagai isyarat:

حَتَّىٰ إِذَا أَتَوْا عَلَىٰ وَادِ النَّمْلِ قَالَتْ نَمْلَةٌ يَأَيُّهَا النَّمْلُ ادْخُلُوا
مَسْكَنَكُمْ لَا يَحْطِمَنَّكُمْ سُلَيْمَانُ وَجُنُودُهُ وَهُمْ لَا يَشْعُرُونَ ﴿١٨﴾

Ertinya: “Sehingga apabila mereka sampai di lembah semut, seekor semut berkata, ‘Wahai semut, masuklah kalian ke dalam sarang masing-masing. **Jangan sampai Sulaiman dan tenteranya memijak serta membinasakan kamu**, sedang mereka tidak menyedarinya.” (*Surah al-Naml* 27: 18)

Apabila surat itu sampai kepada raja negeri tersebut, baginda dan menterinya sangat marah. Mereka bertekad untuk berperang. Kemudian raja bertanya, “Bagaimana kita hendak membalas surat ini?”





Maka seorang pegawainya berkata, “Biar saya yang menulis suratnya.”

Lalu dalam surat itu, dia juga menulis ayat isyarat:

فَنَبَسَّ ضَاحِكًا مِّن قَوْلِهَا

Ertinya: “Dia (Sulaiman) tersenyum sahaja lalu ketawa mendengar kata-kata semut itu.” (*Surah al-Naml* 27: 19)

Catatan

1. Ayat dalam kisah ini membawa kita mengulang kaji satu kisah ajaib dalam al-Quran. Kisah Nabi Sulaiman dengan semut ini sering dianggap kisah kanak-kanak walhal kisah al-Quran sarat pedoman buat orang berakal.
2. Selepas Nabi Sulaiman ketawa mendengar kata-kata semut, beliau pun berdoa dengan doa berikut. Amat bagus doa ini menjadi doa amalan peribadi kita juga.

رَبِّ أَوْزِعْنِي أَنْ أَشْكُرَ نِعْمَتَكَ الَّتِي أَنْعَمْتَ عَلَيَّ وَعَلَىٰ وَالِدَيَّ
وَأَنْ أَعْمَلَ صَالِحًا تَرْضَاهُ وَأَدْخِلْنِي بِرَحْمَتِكَ فِي عِبَادِكَ
الصَّالِحِينَ ١٩

Ertinya: “...‘Wahai Tuhanku, ilhamkanlah daku supaya tetap bersyukur dengan nikmat-Mu yang Engkau kurniakan kepadaku dan kepada ibu bapaku, dan supaya aku tetap mengerjakan amal soleh yang Engkau redai. Dan masukkanlah daku dengan limpah rahmat-Mu dalam kalangan hamba-Mu yang soleh.” (*Surah al-Naml* 27: 19)



BAHAGIAN TIGA





59

Air Mata Palsu

Abu Qudamah Haris bin Ubaid al-‘Iyadi menceritakan bahawa sekumpulan orang datang berjumpa Hasan al-Basri. Mereka berkata, “Wahai Abu Said, kami mengikuti halaqah zikir, lalu kami lihat sebahagian orang datang dan terus menangis. Manakala kami tidak mampu untuk menangis.”

Hasan al-Basri menjawab, “Meskipun mata tidak menangis, hati dan amal menangis. Betapa ramai orang yang matanya menangis sedangkan air matanya palsu.”

Kemudian dia membaca ayat;

وَجَاءُوا آبَاءَهُمْ عِشَاءً يَبْكُونَ ﴿١٦﴾

Ertinya: “Mereka mendatangi ayah mereka pada petang itu sambil berpura-pura menangis.” (*Surah Yusuf* 12: 16)

Catatan

1. Petikan ayat di atas ialah sedutan daripada kisah Nabi Yusuf iaitu ketika abang-abangnya pulang ke rumah dalam keadaan buat-buat menangis dek kematian Yusuf.





AL-QURAN YANG BELUM KITA BACA

2. Kata-kata Imam Hasan al-Basri sangat menarik perhatian saya. Pencerahan beliau memahamkan kita akan hakikat sebenar memahami al-Quran. Ada orang yang mudah tersentuh hatinya mendengar bacaan al-Quran. Bahkan ada yang sampai menangis. Bukan kerana insaf ditegur ayat tetapi dek emosinya terbuai oleh kesyahduan alunan bacaan dan suara qari. Bukan ini yang kita cari!



Nabi Musa ialah nabi yang paling kerap
namanya Allah sebut dalam
al-Quran iaitu sebanyak 136 kali.